

103/30-2/23
03.03.2023

Bosna i Hercegovina
Federacija Bosne i Hercegovine
KANTON SARAJEVO
Ministarstvo kulture i sporta



Босна и Херцеговина
Федерација Босне и Херцеговине
КАНТОН САРАЈЕВО
Министарство културе и спорта

Bosnia and Herzegovina
Federation of Bosnia and Herzegovina
CANTON SARAJEVO
Ministry of Culture and Sports

Broj: 12-02-5433-1/23
Sarajevo, 28.02.2023. godine

U skladu sa odredbama člana 42. Zakona o ustanovama („Službeni list RBiH“, br. 6/92, 8/93 i 13/94), a na zahtjev Javne ustanove „Pozorište mladih“ Sarajevo (broj:88/04-2/23 od 27.02.2023. godine), Ministarstvo kulture i sporta Kantona Sarajevo razmatralo je Pravilnik o izmjenama i dopunama Pravilnika o naknadi zaposlenika Javne ustanove „Pozorište mladih“ Sarajevo za autorski rad izvan opisa poslova svog radnog mjesta, kao i za izvođačke poslove izvan radnog mjesta (broj: 84/04-2/23 od 24.02.2023 godine) i daje slijedeće:

MIŠLJENJE

Ministarstvo kulture i sporta Kantona Sarajevo daje pozitivno mišljenje na Pravilnik o izmjenama i dopunama Pravilnika o naknadi zaposlenika Javne ustanove „Pozorište mladih“ Sarajevo za autorski rad izvan opisa poslova svog radnog mjesta, kao i za izvođačke poslove izvan radnog mjesta (broj: 84/04-2/23 od 24.02.2023 godine).

S poštovanjem,

Pripremila:

Kontrolisao: Dragan Muminović

MINISTAR

Avdić

Dostaviti:

1. Javna ustanova „Pozorište mladih“ Sarajevo, ul. Kulovića br.8.
2. a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-062, Fax: + 387 (0) 33 562-062
Web: <http://mks.ks.gov.ba>, E-mail: mks@mks.ks.gov.ba



Sarajevo, 24.02.2023.
Broj: 84/04-2/23

Na osnovu člana 27. stav 1. alineja 6. i član 37. stav 2.) Zakona o ustanovama („Službeni list RBiH“, broj: 6/92, 8/93 i 13/94) i člana 36. stav 1. tačka f), člana 82. stav (1) tačka n) , člana 83. i 84. Pravila JU „Pozorište mladih“ Sarajevo (broj: 90-02-2-1/17 od 12.04.2017. godine i 43/04-1/21 od 26.02.2021.godine) Upravni odbor JU „Pozorište mladih“ Sarajevo, na sjednici održanoj dana 23.02.2023. godine, donosi:

PRAVILNIK O IZMJENAMA I DOPUNAMA

Pravilnika o naknadi zaposlenika JU „Pozorište mladih“ Sarajevo za autorski rad izvan opisa poslova svog radnog mjesta, kao i izvođačke poslove izvan radnog mjesta

Član 1.

(Izmjena člana 6.)

U Pravilniku o naknadi zaposlenika JU „Pozorište mladih“ Sarajevo za autorski rad izvan opisa poslova svog radnog mjesta, kao i izvođačke poslove izvan radnog mjesta broj: 352-01/13 od 16.12.2013.godine, član 6. mijenja se i glasi:

„Član 6.

(Izvođačka naknada)

- (1) Za angažovanje zaposlenika u Pozorištu, kao umjetnika izvođača i autora, koji obavljaju poslove koji nisu u okviru opisa poslova njegovog radnog mjesta, isplatit će se izvođačka i autorska naknada.
- (2) Naknada, iz stava (1) ovog člana, umjetniku izvođaču isplaćuje se mjesečno putem izvođačkog ugovora , i to:
 - za obavljanje izvođačkih poslova prvaka drame ili dramskog glumca I grupe, II grupe i III grupe u iznosu od 5 % do 20 % neto plaće predviđene za to radno mjesto, ako je igrao u dvije ili više predstava, a ako je igrao jednu predstavu u iznosu od 5% do 10 % neto plaće predviđene za to radno mjesto.
 - za obavljanje poslova reditelja, dramaturga, scenografa , inspicijenta i slikara, patinera vajara u iznosu od 5% do 20 % neto plaće predviđene za to radno mjesto.
- (3) Ukoliko umjetnik izvođač nije igrao u predstavama, koje su na repertoaru u određenom mjesecu, naknada se za taj mjesec ne isplaćuje.“

Član 2.

(Stupanje na snagu)

- (1) Pravilnik o izmjenama i dopunama Pravilnika o naknadi zaposlenika JU „Pozorište mladih“ Sarajevo za autorski rad izvan opisa poslova svog radnog mjesta, kao i izvođačke poslove izvan radnog mjesta stupa na snagu danom dobijanja mišljenja Ministarstva kulture i sporta Kantona Sarajevo.
- (2) Pravilnik će se objaviti na oglasnoj ploči, web stranici JU „Pozorište mladih“ Sarajevo i „Službenim novinama Kantona Sarajevo“.

Predsjednica Upravnog odbora:
Tatjana Šojčić

O b r a z l o ž e n j e

I PRAVNI OSNOV ZA DONOŠENJE PRAVILNIKA

Pravni osnov za donošenje Pravilnika o izmjenama i dopunama Pravilnika o naknadi zaposlenika JU „Pozorište mladih“ Sarajevo za autorski rad izvan opisa poslova svog radnog mjesta, kao i izvođačke poslove izvan radnog mjesta sadržan je u odredbama sljedećih pravnih propisa:

- (1) Član 27. stav 1. alineja 6. Zakona o ustanovama („Službeni list RBiH“, broj: 6/92, 8/93 i 13/94) kojim je propisano da Upravni odbor donosi opšti akt o unutrašnjoj organizaciji i sistematizaciji poslova i druge opšte akte u skladu sa zakonom i pravilima ustanove.
- (2) Član 37. stav 2.) Zakona o ustanovama („Službeni list RBiH“, broj: 6/92, 8/93 i 13/94) kojim je propisano da ustanova može imati i druge opšte akte, u skladu sa zakonom, kolektivnim ugovorom i pravilima ustanove.
- (3) Članovi 36. stav 1. tačka f), 82. stav (1) tačka n) , 83. i 84. Pravila JU „Pozorište mladih“ Sarajevo (broj: 90-02-2-1/17 od 12.04.2017. godine i 43/04-1/21 od 26.02.2021.godine) a kojim je propisano da Upravni odbor donosi opće akte JU „Pozorište mladih“ Sarajevo, a opći akt je Pravilnik o izmjenama i dopunama Pravilnika o naknadi zaposlenika JU „Pozorište mladih“ Sarajevo za autorski rad izvan opisa poslova svog radnog mjesta, kao i izvođačke poslove izvan radnog mjesta.

II RAZLOZI DONOŠENJA

Osnovni razlozi za donošenje Pravilnika o izmjenama i dopunama Pravilnika o naknadi zaposlenika JU „Pozorište mladih“ Sarajevo za autorski rad izvan opisa poslova svog radnog mjesta, kao i izvođačke poslove izvan radnog mjesta je racionalno korištenje i ušteda Budžetskih sredstava , kao i pravilna iskorištenost uposlenih u odnosu na realna izvršenja u okviru poslova radnog mjesta na koji su raspoređeni.

III OBRAZLOŽENJE VAŽNIJIH PROMJENA U ODNOSU NA PRETHODNI PRAVILNIK

Za angažovanje radnika u JU „Pozorište mladih“ Sarajevo, kao umjetnika izvođača, koji obavljaju poslove koji nisu u okviru opisa poslova njihovog radnog mjesta isplatit će se putem izvođačkog ugovora manji iznos izvođačke naknade u odnosu na prethodni period.

IV OBRAZLOŽENJE FINANSIJSKIH SREDSTAVA ZA PROVOĐENJE PRAVILNIKA

Za provođenje Pravilnika o naknadi zaposlenika JU „Pozorište mladih“ Sarajevo za autorski rad izvan opisa poslova svog radnog mjesta, kao i izvođačke poslove izvan radnog mjesta nisu potrebna finansijska sredstva.

Dostavljeno:

- 1x Ministarstvo kulture i sporta KS
- 1x a/a

Predsjednica Upravnog odbora:

